



Broj: 05/1-11-036709/25
Tuzla, 11.12.2025.godine

Na osnovu člana 6. stav (2) Odluke o utvrđivanju uslova i kriterija, načinu i postupku raspodjele novčanih sredstava za subvencije privatnim preduzećima i poduzetnicima u oblasti turizma i ugostiteljstva – podrška pokretanju vlastitog biznisa u turizmu za 2025.godinu broj 02/1-18-26034/25 od 16.09.2025. godine i na osnovu člana 1. stav (2) tačka b) Odluke o izmjenama i dopunama Odluke o utvrđivanju uslova i kriterija, načinu i postupku raspodjele novčanih sredstava za subvencije privatnim preduzećima i poduzetnicima u oblasti turizma i ugostiteljstva - podrška pokretanju vlastitog biznisa u turizmu za 2025.godinu broj 02/1-18-41047/25 od 11.12.2025.godine , Ministar trgovine, turizma i saobraćaja Tuzlanskog kantona raspisuje

JAVNI POZIV

za raspodjelu novčanih sredstava za subvencije privatnim preduzećima i poduzetnicima u oblasti turizma i ugostiteljstva – za sufinansiranje implementacije HACCP standarda u hotelijerstvu i ugostiteljstvu na području Tuzlanskog kantona za 2025. godinu

1. PREDMET POZIVA

Predmet Javnog poziva je prikupljanje prijava za dodjelu finansijskih sredstava definisanih Budžetom Tuzlanskog kantona za 2025.godinu („Službene novine Tuzlanskog kantona“, br. 18/24, 7/25 i 16/25) sa ekonomskog koda 614500, subanalitika MAD 503, funkcija 0473 – pomoć privrednim subjektima u oblasti turizma i ugostiteljstva, za sufinansiranje implementacije HACCP standarda u hotelijerstvu i ugostiteljstvu na području Tuzlanskog kantona u iznosu od 50.000,00 KM (slovima: pedesethiljada konvertibilnih maraka), potrošačka jedinica 22010001 Ministarstvo trgovine, turizma i saobraćaja Tuzlanskog kantona (u daljnjem tekstu: Ministarstvo).

Odlukom o utvrđivanju uslova i kriterija, načinu i postupku raspodjele novčanih sredstava za subvencije privatnim preduzećima i poduzetnicima u oblasti turizma i ugostiteljstva – podrška pokretanju vlastitog biznisa u turizmu za 2025.godinu, broj 02/1-18-26034/25 od 16.09.2025. godine i Odlukom o izmjenama i dopunama Odluke o utvrđivanju uslova i kriterija, načinu i postupku raspodjele novčanih sredstava za subvencije privatnim preduzećima i poduzetnicima u oblasti turizma i ugostiteljstva - podrška pokretanju vlastitog biznisa u turizmu za 2025.godinu i broj 02/1-18-41047/25 od 11.12.2025.godine (u daljnjem tekstu: Odluke), definisan je postupak dodjele bespovratnih finansijskih sredstava iz Budžeta Tuzlanskog kantona. Odluke su donesene u skladu sa strateškim ciljevima i prioritetima naznačenim u Strategiji razvoja turizma na području Tuzlanskog kantona za period 2024. – 2029. godina.

2. SVRHA DODJELE SREDSTAVA

Javnim pozivom će se bespovratna sredstva dodijeliti za sufinansiranje implementacije HACCP standarda u hotelijerstvu i ugostiteljstvu na području Tuzlanskog kantona za 2025. godinu pravnim i fizičkim licima sa područja Tuzlanskog kantona registrovanim za obavljanje turističko-ugostiteljske djelatnosti, odnosno čija je osnovna djelatnost, shodno klasifikaciji djelatnosti KD BIH 2010 („Službeni glasnik Bosne Hercegovine“, broj 47/10) razvrstana u Područje I - Djelatnosti pružanja

smještaja te pripreme i usluživanja hrane (hotelijerstvo i ugostiteljstvo), a koji se pri obavljanju svoje osnovne djelatnosti bave pripremom i usluživanjem hrane.

3. PRAVO UČEŠĆA

(1) Bespovratna sredstva se dodjeljuju korisnicima koji su registrovani za obavljanje osnovne djelatnosti, prema klasifikaciji djelatnosti KD BiH 2010 („Službeni glasnik Bosne i Hercegovine“ broj:47/10) u okviru:

Područje I DJELATNOSTI PRUŽANJA SMJEŠTAJA TE PRIPREME I USLUŽIVANJA HRANE (HOTELJERSTVO I UGOSTITELJSTVO)

55			Smještaj
	55.1		Hoteli i sličan smještaj
		55.10	Hoteli i sličan smještaj
	55.2		Odmarališta i slični objekti za kraći odmor
		55.20	Odmarališta i slični objekti za kraći odmor
	55.3		Kampovi i prostori za kampiranje
		55.30	Kampovi i prostori za kampiranje
	55.9		Ostali smještaj
		55.90	Ostali smještaj
56			Djelatnosti pripreme i usluživanja hrane i pića
	56.1		Djelatnosti restorana i ostalih objekata za pripremu i usluživanje hrane
		56.10	Djelatnosti restorana i ostalih objekata za pripremu i usluživanje hrane
	56.2		Djelatnosti kateringa i ostale djelatnosti pripreme i usluživanja hrane
		56.21	Djelatnosti kateringa
		56.29	Ostale djelatnosti pripreme i usluživanja hrane
	56.3		Djelatnosti pripreme i usluživanja pića
		56.30	Djelatnost pripreme i usluživanja pića

(2) Pravo na dodjelu poticajnih sredstava imaju aplikanti koji ispunjavaju sljedeće uslove:

- 1) da imaju registrovano sjedište i poslovni objekat na području Tuzlanskog kantona,
- 2) da imaju izmirene porezne obaveze (po osnovu direktnih i indirektnih poreza) i obaveze za penziono i zdravstveno osiguranje u skladu sa zakonskim odredbama,

(3) Nisu prihvatljive aplikacije poslovnih subjekata koji su registrovani kao radnje “za privremeni rad”, “za sezonski rad”, iznajmljivači, kao i dopunske ili dodatne djelatnosti.

4. PODNOŠENJE PRIJAVE

(1) Uz prijavni Obrazac 1 na Javni poziv, čija forma će biti propisana uz Javni poziv, podnosilac prijave za subvencije privatnim preduzećima i poduzetnicima u oblasti turizma i ugostiteljstva - sufinansiranje implementacije HACCP standarda u hotelijerstvu i ugostiteljstvu na području Tuzlanskog kantona za 2025. godinu dostavlja:

- a) Rješenje o registraciji – ovjerena kopija:
 - za pravna lica - Rješenje iz sudskog registra (ukoliko pravno lice obavlja ugostiteljsku djelatnost preko poslovnih jedinica, i za iste podnosi zahtjev, sve moraju biti navedene u

- izvodu iz sudskog registra),
- za fizička lica – Rješenje kojim se odobrava rad fizičkom licu izdato od strane nadležnog općinskog/gradskog organa,
 - b) Rješenje o ispunjavanju minimalnih uvjeta postojećih ugostiteljskog objekta i uvjeta za kategorizaciju – ovjerena kopija,
 - c) Rješenje kojim su utvrđeni minimalni uvjeti i uvjeti za kategoriju, izdato od strane Federalnog ministarstva okoliša i turizma, Ministarstva ili nadležnog općinskog/gradskog organa, u zavisnosti od vrste i kategorije ugostiteljskog objekta za smještaj (za ugostiteljske objekte kojima je propisana obavezna kategorizacija - ugostiteljski objekti za smještaj) – ovjerena kopija,
 - d) Uvjerjenje o poreznoj registraciji kod Porezne uprave FBiH – ID broj –kopija,
 - e) Obavještenje o razvrstavanju prema klasifikaciji djelatnosti –kopija,
 - f) Uvjerjenje o urednom ispunjavanju obaveze plaćanja direktnih poreza, doprinosa za PIO/MIO i zdravstveno osiguranje i ostalih naknada, prihoda i taksu - Uvjerjenje nadležne poreske uprave (original),
 - g) Uvjerjenje o urednom izmirenju indirektnih poreza, ukoliko su u sistemu PDV-a - Uvjerjenjem UIO, odnosno ovjerena izjava da podnosilac prijave nije u sistemu PDV-a – original,
 - h) Spisak zaposlenih lica ovjerenih od strane nadležne poreske uprave - original,
 - i) Bilans stanja i uspjeha za 2024. godinu ovjeren od Finansijsko informatičke agencije (FIA) – kopija,
 - j) Ugovor sa bankom o otvaranju transakcijskog računa na koja će se doznačiti odobrena sredstva – kopija,
 - k) Izjavu o korištenim podrškama male vrijednosti, potpisana i ovjerena od strane podnosioca prijave – Obrazac 2,
 - l) Potpisanu i ovjerenu, od strane podnosioca prijave, izjavu o namjeri i iznosu vlastitog sufinansiranja – Obrazac 3,
 - m) Izjava da po ovom osnovu podnosilac prijave nije dobio sredstva od bilo kog nivoa vlasti u BiH - potpisana i ovjerena od strane podnosioca prijave,
 - n) Ugovor o saradnji sa kredibilnim izvođačem – original ili ovjerena kopija,
(Kredibilni izvođač je firma koja ima dokazanu stručnost, iskustvo i reference u implementaciji HACCP sistema i koja može stručno, zakonito i dokumentovano sprovesti uvođenje HACCP sistema – od analize rizika do izdavanja sertifikata, odnosno koja je akreditovana kod akreditovanih tijela koja su potpisnici protokola za certificiranje) i
 - o) Odluku o implementaciji HACCP sistema, potpisanu i ovjerenu od strane podnosioca prijave.
- (2) Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.
- (3) Neblagovremene prijave neće se uzeti u razmatranje

NAPOMENA: Dokumentacija treba biti složena prema gore navedenom redosljedu (a-o), isključivo u čvrsto uvezanom obliku, pri čemu svaka stranica mora biti numerisana rednim brojem. Na posljednjoj stranici prijave mora biti naznačen ukupan broj stranica i potpis odgovornog lica aplikanta. Prijave koje nisu uvezane i numerisane neće se uzeti u razmatranje i biće evidentirane kao neuredne.

5. SREDSTAVA ZA DODJELU

Ukupno raspoloživa finansijska sredstva, za provođenje ovog Javnog poziva, iznose 50.000,00 KM (slovima: pedesethiljada konvertibilnih maraka)

- (1) Sredstva su namijenjena za sufinansiranje implementacije HACCP standarda u hotelijerstvu i ugostiteljstvu na području Tuzlanskog kantona za 2025. godinu.
- (2) Bespovratna sredstva će se dodijeliti aplikantima čija prijava bude ispunila tražene kriterije i osvojila potreban broj bodova.
- (3) Za implementaciju standarda HACCP podnosilac prijave mora obezbijediti novčano sufinansiranje u iznosu od minimalno 30% od ukupnog ugovorenog iznosa troškova implementacije, ne računajući PDV.
- (4) Odobrena sredstva sufinansiranja od strane Ministarstva trgovine, turizma i saobraćaja za implementaciju standarda HACCP po pojedinačnom poslovnom subjektu iznose do 70% od ukupnog ugovorenog iznosa troškova implementacije, ali maksimalno 2.000,00 KM (slovima: dvijehiljade konvertibilnih maraka), ne računajući PDV.

6. IZBOR KORISNIKA I PRAVNA ZAŠTITA

- (1) Za obradu prijava po Javnom pozivu i odabir korisnika sredstava sufinansiranje implementacije HACCP standarda u hotelijerstvu i ugostiteljstvu na području Tuzlanskog kantona za 2025. godinu, ministar rješenjem imenuje Komisiju.
- (2) Komisija ima zadatak da, u skladu sa kriterijama i procedurama utvrđenim Javnim pozivom, koji proizilazi iz Odluke, izvrši pregled dokumentacije i bodovanje, sačini preliminarnu rang listu korisnika sredstava i listu podnosilaca prijave čije su prijave neblagovremene, nepotpune i neosnovane, te iste objavi na web stranici Ministarstva i Vlade Kantona.
- (3) Na objavljene liste podnosioci prijave imaju pravo prigovora koji se podnosi ministru u pisanoj formi, u roku od 5 (pet) dana od dana objavljivanja listi na web stranici Ministarstva i Vlade Kantona.
- (4) Nakon rješavanja po podnesenim prigovorima u roku od 5 (pet) dana od dana isteka roka za podnošenje prigovora, ministar donosi odluku o utvrđivanju konačne rang liste korisnika sredstava sa iznosima odobrenih poticajnih sredstava, i ista se objavljuje na web stranici Ministarstva i Vlade Kantona.
- (5) U skladu sa odlukom iz stava (4), sa odabranim korisnicima se u roku od 5 (pet) dana od objavljivanja konačne liste, zaključuje ugovor kojim će se definisati međusobna prava, obaveze, odgovornosti i rokovi realizacije projekta.

7. KRITERIJI ZA OCJENJIVANJE PRIJAVA

- (1) Kriteriji za izbor korisnika za raspodjelu novčanih sredstava za subvencije privatnim preduzećima i poduzetnicima u oblasti turizma i ugostiteljstva - sufinansiranje implementacije HACCP standarda u hotelijerstvu i ugostiteljstvu na području Tuzlanskog kantona za 2025. godinu su:
 - a) Ostvareni promet u okviru djelatnosti u kojoj je aplikant registrovan u 2024.godinu,
 - b) Trenutni broj zaposlenih.

KRITERIJ		BROJ BODOVA
OSTVARENI PROMET	100.000,00 - 200.000,00	10
	200.001,00 - 400.000,00	20
	400.001,00 - 700.000,00	30
	700.001,00 - 1.000.000,00	40
	1.000.001,00 i više	50
	2 - 5	10

BROJ ZAPOSLENIH	6 - 10	20
	11 - 20	30
	21 - 50	40
	51 i više	50

- (2) Aplikanti koji osvoje minimalno 20 bodova ostvaruju pravo na sufinansiranje. Ukoliko raspoloživa sredstva iz člana 1. Odluke budu dostatna u odnosu na zahtijevana sredstva aplikanata, aplikantima koji su podnijeli potpun i blagovremen zahtjev, bit će odobrena sredstva u visini traženih sredstava navedenih u prijavnom obrascu, a koja ne mogu prelaziti maksimalni iznos sredstava iz člana 3. Odluke.
- (3) Ukoliko raspoloživa sredstva iz člana 1. Odluke ne budu dostatna u odnosu na zahtijevana sredstva aplikanata, na osnovu kriterija iz stava (1) ovog člana formirat će se rang lista do visine raspoloživih sredstava.
- (4) Ukoliko se prilikom bodovanja utvrdi isti broj bodova za više prijava, prednost će imati prijava koja je ranije podnesena.
- (5) Ukoliko nakon dodjele sredstava korisnicima koji su zadovoljili kriterije iz stave (1) i (2) ovog člana dio sredstava ostane neraspoređen, Ministarstvo će Vladi Kantona predložiti donošenje nove odluke o utrošku sredstava za iste ili slične namjene ili preraspodjelu sredstava.
- (6) Sve sumnje na zloupotrebu odobrenih bespovratnih sredstava će biti istražene i potrebi sankcionisane u skladu sa zakonom.
- (7) Sve aktivnosti u vezi sa implementacijom HACCP standarda, a koje su u skladu sa Pravilnikom o higijeni hrane („Službeni glasnik Bosne i Hercegovine“ broj 4/13) moraju biti završene u roku od 3 mjeseca od datuma potpisivanja ugovora.
- (8) Nakon isteka roka od 3 mjeseca, a mogu i prije isteka roka, korisnici sredstava su dužni Ministarstvu, u svrhu pravdanja odobrenih sredstava, dostaviti:
 - a) ugovor o saradnji sa kredibilnim izvođačem,
 - b) analizu rizika proizvodne linije/proizvoda (ovjerenu i potpisanu) sa prilogom o provedenim ispitivanjima,
 - c) plan odgovornosti osoblja,
 - d) verifikaciju HACCP sistema i zbirni HACCP plan,
 - e) potvrdu o provedenoj edukaciji i implementaciji sistema,
 - f) fiskalni račun o plaćenom iznosu za implementaciju HACCP sistema.
- (9) Korisnici sredstava koji ne izvrše implementaciju HACCP sistema i ne opravdaju odobrena sredstva u roku i na način definisan Javnim pozivom i zaključenim ugovorom, u obavezi su vratiti dodijeljena sredstva u cjelokupnom iznosu.
- (10) Ukoliko nakon dodjele sredstava korisnicima koji su zadovoljili kriterije iz stave (1) i (2) ovog člana dio sredstava ostane neraspoređen, Ministarstvo će Vladi Kantona predložiti donošenje nove odluke o utrošku sredstava za iste ili slične namjene, ili preraspodjelu sredstava.
- (11) Sve sumnje na zloupotrebu odobrenih bespovratnih sredstava će biti istražene i potrebi sankcionisane u skladu sa zakonom.

8. ROK ZA DOSTAVLJANJE PRIJAVA

Rok za dostavljanje prijava je 6 dana od dana objave ovog Javnog poziva. Javni poziv će biti objavljen na web stranici Ministarstva trgovine, turizma i saobraćaja Tuzlanskog kantona: <http://mttstk.gov.ba/> i web stranici Vlade Tuzlanskog kantona: <http://vladat.kim.ba/>.

Smatra se da je prijava blagovremena ukoliko je zaprimljena u Centralnoj pisarnici kantonalnih organa Tuzlanskog kantona, u ulici Fra Grge Martića br. 8, do četvrtka 17.12.2025.godine do 15,00 sati.

Nepotpune, neuredne i neblagovremene prijave na ovaj Javni poziv neće se uzeti u razmatranje.

Podnosilac, koji je prijavu predao putem preporučene pošte, a čija prijava bude zaprimljena u Centralnu pisarnicu nakon utvrđenog roka, preuzima rizik neblagovremenosti i njegova prijava, kao neblagovremena, neće biti razmatrana.

9. MJESTO I NAČIN PODNOŠENJA PRIJAVA

Prijave se podnose Ministarstvu trgovine, turizma i saobraćaja Tuzlanskog kantona u zatvorenoj koverti, preporučeno putem pošte na adresu:

**Ministarstvo trgovine, turizma i saobraćaja Tuzlanskog kantona,
Fra Grge Martića br. 8
75000 Tuzla,**

ili lično U Centralnu pisarnicu Vlade Tuzlanskog kantona u ulici Fra Grge Martića br.8 (preko puta Srednje medicinske škole) u Tuzli.

Na zatvorenoj koverti obavezno je navesti:


**– Ne otvarati –
PRIJAVA NA JAVNI POZIV
za dodjelu sredstava za subvencije privatnim preduzećima i poduzetnicima u oblasti turizma i
ugostiteljstva - podrška pokretanju vlastitog biznisa u turizmu za 2025. godinu**

Na poledini zatvorene koverta obavezno je navesti: **naziv, adresu i kontakt telefon podnosioca prijave (pravnog lica).**

10. OSTALE ODREDBE

Ministarstvo trgovine, turizma i saobraćaja Tuzlanskog kantona ne snosi nikakve troškove podnosiocu prijave u pripremi i dostavljanju prijave po ovom Javnom pozivu. Prijava (dostavljeni zahtjev i dokumentacija) po ovom Javnom pozivu ne vraća se podnosiocu prijave.

Sva dodatna pitanja u vezi ovog Javnog poziva mogu se postaviti svakim radnim danima u terminima od 12 do 14 sati na jedan od slijedećih brojeva telefon 035/369-418 ili 035/369-486.

**MINISTAR**
Almir Zilić, dipl. ece.